



HArtmānus ille literarum amore in uarijs A-
 cademijs operam literis dedit, atq; felici in-
 genio præditus in uirū doctissimum euasit. Nam
 præterquam quod artium & Medicinæ Doctor
 creatus esset, etiam diuinis literis, atq; Historico-
 rum lucubrationibus diligentē operam nauauit.
 Cum itaq; multa doctrina esset præditus sese No-
 rinbergam contulit, atq; ibidem medicinam facti-
 tauit. Quoniam autem homo multæ lectionis &
 singularis industriæ esset, Iacobi Pergomensis, &
 aliorum Chronica diligenti studio euoluit, atque
 Germanorum historias grandi & præclaro opere
 conscripsit & ædedit. Ex qua magnam authorita-

tem apud principes & literatos homines impetrauit. Vixit circa annum Do-
 mini 1493. Trit.